

孚惠全書

孚惠全書卷三十一

編陽賑借五

乾隆十六年正月初四日奉

上諭據黃廷桂摺奏上下兩江去年被水成災最重之宿州靈璧虹縣五河宿遷邳州睢寧海州沐陽等處次重之鳳陽臨淮懷遠鳳臺壽州霍邱清河桃源安東等處三冬已普需存濟而冬末春初賑期已畢青黃不接民力猶恐難支等語著再加恩將被災最重之州縣極貧加賑三個月次貧加賑兩個月次重之州縣無論極貧次貧俱加賑兩個月其貧生饑軍等隨所在地方一體賑給該督撫等並率有司實力查辦務使災黎均需實惠該

部遵諭速行

十五日奉

上諭直隸州縣內上年間有被災之處當諭該督方觀承照例加意撫卹復經降旨將十二月內應止賑各戶加恩展賑一月貧民雖不致失所但念東作方興被災貧民未免仍屬拮据朕巡幸畿甸軫念維殷著再加恩將七八分災之極貧九十分災之極次貧各加賑兩個月六分災之極貧七八分災之次貧各加賑一個月令該督方觀承轉飭各屬俾得均霑實惠以資力作該部遵諭速行御製命直隸總督方觀承加賑去歲被水諸郡縣

誌以示志

年

方春氣始和萬物欣榮滋翠蹕經黃圖施惠期惟
時逢次所歷覽閭閻固括熙嗟予未見者豈無嘆
向隅叶去歲况多水懸釜饑難支沮洳未全涸播
麥復支期茲災莫諱咎救災安善為亦無別奇方
加賑頻時咨載漕及散金屯膏戒有司國以民為
本舍是其愛誰民以食為天祈年風夜後

二月初三日奉

上諭上年東省雖獲有秋而蘭山等七州縣偶被
偏災加恩賑卹民食固下此缺乏但農事方興麥
秋尚早清蹕所經見蘭山郛城二縣民氣似遜他
處深為軫念著將蘭山郛城二縣極次貧民俱加
賑一月其未經過之嶧縣平度州膠州高密昌邑

五處被災稍輕者將極貧之民加賑一月令該撫
準奏查明辦理務使均需實惠該部遵諭速行

初十日奉

上諭上下兩江上年有被災稍重之處曾經加恩
將極重之宿州靈璧虹縣五河宿遷邳州睢寧海
州沐陽等處次重之鳳陽臨淮懷遠鳳臺壽州霍
邱清河桃源安東等處分別加賑朕車駕南巡所
有經過之宿遷桃源清河三縣見其民氣遠遜他
處並將所借籽種銀兩全行豁免今聞該地方官
展賑之事尚未開期朕省方問俗念切民依若地
方官借辦差之名致窮黎嗷嗷待哺殊非仰體朕
恫瘝在己之意著布政使永寧星速親往督率該

府州縣等即日按戶開賑並傳諭黃廷桂飭令該州縣正印官不必辦差即回本任專心辦理散賑務俾均霑實惠朕回鑾時或尚有不能妥協之處惟永寧是問

五月二十五日奉

上諭上年浙省溫台等屬有偶被偏災之處業經照例蠲賑今春巡幸浙省因翠華所未至是以未及降旨加賑近聞該地米價昂貴亟令江浙二省督撫於稍近州縣常平倉穀內動撥碾米運往平糶以資接濟並截留漕糧運倉被災貧民諒不致失所但現已停賑而今歲麥收分數亦屬平常去秋收之時為期尚遠濱海窮黎生計仍不無拮据

朕心深為軫念著該撫永青查明上年實在被災戶口無論極貧次貧俱著加賑兩月以示加恩撫卹之意該撫務宜嚴飭屬員實力查辦無濫無遺俾得均霑膏惠該部遵諭速行

閏五月二十二日奉

上諭閩浙總督喀爾吉善等摺奏福建汀州府屬之寧化清流二縣地方本年五月十二等日大雨水發沖激入城深至丈餘房舍俱多坍塌人口亦有淹斃等語該處積雨之後山溪盛漲漂及鄉城民間棲止口糧一時不免蕩析非尋常偶被偏災者可比朕心深為軫念著該督撫等將現在一切應行撫卹事宜即速董率有司不必拘泥賑卹常

別一面悉心辦理一面具摺奏聞俾災黎均霑膏
惠至所奏鄧屬之建寧汀屬之歸化尚有應行確
勘之處著喀爾吉善等一併速查妥辦毋得稍有
稽延該部速行

二十二日奉

上諭據雲貴總督碩色等奏本年五月初一日雲
南鶴慶屬之劍川州地震城垣房屋及人口牲畜
傾倒損傷者甚多其同時被災者鶴慶浪穹次之
鄧川麗江較輕大理賓州微動無礙等語滇南地
處極邊此番被災甚重朕心深為憫惻急應實力
撫綏著該督撫等將被災各該處所有應行賑濟
給備及一切撫卹事宜毋拘常例即行並率有司

一面加意料理一面奏聞務令災黎得所以副於
念該部速行

六月十八日奉

上諭山西澤州府屬之鳳臺高平二縣五月中山
水驟發漂損田莊該撫阿思哈現今照例撫卹水
退業多補種但秋成之期尚遠被水窮黎未免拮
据著加恩於常例撫卹一月外再加一月口糧以
資接濟該撫卹督率地方官實力經理務令窮民
均霑膏惠該部遵諭速行

二十二日奉

上諭福建汀州府屬之清流寧化二縣夏間溪河
異漲漂及鄉城前據該督撫奏報曾降旨加意撫

卹又令將應徵新舊錢糧暫停徵收其被災各戶分別極次寬酌量賑濟今思該二邑被災甚重此時去秋成尚遠若僅照常例賑卹不足以資接濟著再加息將寧化清流二縣查明極貧人戶加賑三個月次貧加賑兩個月該督撫嚴飭屬員實力查辦務俾窮黎均霑膏惠該部遵諭速行

二十六日奉

上諭江西巡撫舒格奏請分晰江省賑卹事宜一摺內稱江西省夏月溪澗水發為患創係有貸無賑乾隆七年以前地方官隨時籌辦或動開款或自捐資通報查核今則無論夏秋一遇水發地方官即攜銀前往撫卹在小民以為創常如是望恩

幸澤無有饗時所費實多無益亦於風俗有關現
擬分晰辦理等語舒輅此奏非是地方偶遇旱潦
雖屬偏災而所關於民瘼者甚重竭力補救尚恐
小民或有向隅督撫身任封疆正當隨時體察先
事綢繆豈得因愚民望澤無饗豫存裁抑之見况
今當國家全盛之時中外乂安兵革不試經朕輪
免天下田賦一周而大農歲積甚充卽間有興作
悉給自內府並不動支正供可云庫有餘帑倉
有餘粟何必以一方偶需賑卹總總計較且朕宵
旰勤求惻隱在己時切於懷亦何忍以嗷嗷待哺
之窮黎轉節錙銖升斗之末卽慮時有冒濫亦祇
應嚴飭地方有司辦理妥協俾膏惠及民毋令中

飽滋弊而已至奸徒因事造端逞強肆橫自應盡
法懲創以儆刁風督撫之盡心盡職正在於此若
但云多費錢穀則所損於國儲者無幾而災黎之
所全實多豈得謂之無益為督撫者苟如此居心
必至貧民失所殊非朕委任司牧之意舒輅著嚴
行申飭並將此通行各督撫知之偕並發

七月十五日奉

上諭據河東河道總督顧琮奏稱豫省河北陽武
縣汛十三堡大隄因今年漫灘滙聚浸泡日久兼
之六月二十七八等日大雨如注河水增長數尺
隄身墊裂遂於二十九日漫溢並請飭部嚴加議
處以警疎忽等語河隄捍衛居民最關緊要現在

衝刷處所著即督率屬員上緊堵閉其附近邨莊
廬舍有被水淹浸者著該撫卹卹安悉心查勘照
例撫卹毋致失所至顧琮綜理河務一應調度防
範是其專責乃不能先事防維以致猝被漫溢疎
忽之處咎寄難辭著交部嚴加議處

二十二日奉

上諭據黃廷桂等奏稱朝邑縣於六月十四五等
日因河水驟漲淹及居民輕重不等現在查勘分
別賑卹等語朝邑逼近黃河地本窪下此次河水
漲溢被災貧民雖經該督撫等照例撫卹其中有
房屋家具糧食盡被淹沒者家室漂搖更可憫惻
著該督撫查明此等被災較重之戶於常例之外

加恩賞給一月口糧俾得糊口有資不致失所該部遵諭速行

八月初八日奉

上諭據巡撫準泰奏稱山東濟南等府二十九州縣屬自七月以來淋雨頻仍豫省黃河漫溢之水分流東趨所有禹城等州縣前此未經淹及者多有被淹等語該州縣屬倖被水災大田失望民居淹沒朕心深為軫惻著該撫即速查明被災人戶加意撫綏所有賑卹事宜即著一面辦理一面奏聞務須董率屬員實力妥辦毋令災民或致失所該部遵諭速行

十四日奉

上諭浙東被災各屬所有應行借給撫卹之處經該督撫等籌畫每米一石折銀一兩二錢每穀一石折銀六錢此雖係按照折價成例辦理但念該省今年亢旱非常偏災可比當此米價昂貴之時若仍照常例折給恐災黎不足以資餬口著加恩每米一石折銀二兩每穀一石折銀一兩二錢此次該省凡有應行折銀之處俱照此給發俾閭閻易於糴食副朕軫恤民艱至意該部遵諭速行

九月初一日奉

上諭朕因浙省寧紹等屬被旱歉收米價昂貴綠旗兵丁所得月餉不敷買食曾經降旨將被災各標協營兵丁俱令借給米石以資接濟但念該省

今年旱災稍重各屬未獲一例昂貴轉瞬隆冬窮
兵衣食未免多屬拮据者再加恩將浙江通省兵
丁每名借給一季餉銀該撫於司庫內動項借給
俟明年夏季後分作四季扣還歸款以示朕格外
體卹之意並傳諭該督提等嚴飭營弁毋致絲毫
侵刻俾得均霑膏惠

十四日奉

上諭據巡撫潘思渠摺奏福州等府屬於七月內
颶風大雨沿溪發水惟福安壽寧等邑為甚等語
該處猝被風災山水驟漲民居田禾多被淹浸朕
心深為憫惻現據該撫照例賑恤但念被災貧民
蓋藏無存轉瞬徂冬生計尚多拮据所有被災最

重之福安壽寧二縣著加恩將極貧人戶加賑兩個月次貧加賑一個月俾得接濟口食以示賑恤該撫率屬員實力查辦務令無遺使貧民均霑膏惠再該二縣本年地丁錢糧並著加恩緩徵以紓民力該部遵諭速行

十八日奉

上諭山東濟南等屬今年夏秋被水成災該撫現在籌辦賑恤但查東省折賑之例每穀一石給銀五錢該省當積穀之後雖連獲豐稔而民間元氣究未大復今又值此偏災米價自屬昂貴若照常例折賑恐其下敷購買著加恩每穀一石折銀六錢俾被災窮黎得資餬口以示矜恤該部遵諭速

行

十月十一日奉

上諭江南安徽屬績溪等二十餘州縣銜江蘇屬
江浦等十餘州縣銜偏災應賑口糧該督撫等現
在分別查辦但定例每米一石折銀一兩較之時
價稍有不敷窮黎艱於購食著將上下江折賑米
石加恩每石加給銀二錢以資買糴該部即遵諭
行

十一月十一日奉

上諭今歲豫省黃沁等河異漲成災業已緩徵加
賑民食有資今據布政使富勒赫奏稱祥符等五
縣被淹邨莊尚積水四五尺及一二尺等語念茲

天寒水凍犁鋤難施迨至開正賑期已滿佈種無
資災黎生計未免拮据甚為憫惻著將祥符陽武
封邱延津滑縣等五縣被淹邨莊無論極次貧戶
於加賑之外明春再加賑兩月以資接濟該撫督
率屬員妥協查辦俾窮黎得需實惠該部即遵諭
行

十二日本

上諭直隸長垣東明開州三州縣今歲夏秋之間
黃水淹浸地畝業已加恩賑恤但現在積潦未退
秋麥已逾播種之期貧民生計維艱朕心深為軫
念著將從前極貧次貧之戶例應加賑兩月一月
者俱再加賑一月令該督方觀承分別辦理務使

貧民均霑實惠該部遵諭速行

十二月十七日奉

上諭今歲直隸長垣東明開州三州縣因豫省黃河漫溢被災較重業經降旨加恩賑恤現今水漸消退地多肥澤若將涸出地畝廣種春麥則明年四五月間災地民食可資接濟著總督方觀承轉飭該州縣等查明被災七分以上實在無力貧戶按其所種麥地酌借麥種銀兩俾得及時購備播種齊全以期麥秋有望該部遵諭速行

乾隆十七年正月初二日奉

上諭上年浙省被旱成災所有一應蠲緩賑貸事宜業經屢降諭旨加恩撫恤以期災黎不致失所

但念時當春令東作方興例賑既停青黃不接小民餬口維艱難資耕作深可矜念若該督喀爾吉善該撫雅爾哈善將金衢等府災重之區的量情形有應行展賑者一面奏聞一面辦理務須詳悉查明妥協籌辦俾窮黎均需膏惠以待春秋該部即遵諭行

御製命加賑浙省去歲被災州縣詩以示意

壬申

兩浙去歲災東較西為甚嗟嗟我黎民啼饑缺餐飪石粉聊充饑因以致病疫金衢山中石可為粉饑民有殍以充食而茲疾困欲盡知終夜不安枕救災無奇方屢留病者太倉廩晚秋縱稍獲鋪啜僅餘濡青黃不接時艱食行哀諗申命地方吏吾意其志審食爾無安肉

衣爾無安錦為民之父母曰惟爾及朕予鐵父則
飽於心其奚忍叶賑濟期雖溢更發我倉原博施
慎無遺庶蘇彼惻惻便概示瑞倪施行尚勲德人
力惟小補仰望早稻稔

二十五日奉

上諭上年江南安徽所屬之績溪等州縣衛江蘇
所屬之江浦等州縣衛被水被旱已有偏災一應
賑恤事宜已令該督撫照例辦理並經降旨加給
折賑銀兩第此內或地處深山或民當積歉今賑
期已畢參秋尚遠閭閻謀食維艱深堪憫惻著加
恩將被災最重之歙縣績溪廣德建平銅山沛縣
六州縣極次貧民各加賑兩個月次重之銅陵壽

州宿州靈璧虹縣邳州蕭縣宿遷睢寧九州縣極
次貧民各加賑一個月貧生饑軍隨所在地方一
體給賑俾災地窮黎得資接濟該督撫等董率有
司實力查辦毋致遺濫該部遵諭速行

二月初九日奉

上諭朕因上年浙省被災稍重曾經降旨令該督
撫等查明災重州縣有應行展賑之處酌量奏聞
辦理今據該督撫查明分別具奏著照所請將被
災最重之蘭谿等二十二廳縣與次重之金華等
十八縣無分極次貧戶均展賑一月口糧再浙東
之鄞縣等十一縣與浙西之仁和等十三州縣雖
被災分數較輕而當青黃不接之時情形自屬拮

據亦着加恩展賑一月庶窮黎鋤口有資得以從
容力作至各該廳州縣境內衛所屯戶鹽場竈丁
並按原報災口一體展賑該督撫量率有司妥協
經理務令均霑膏惠以副朕軫念災氓之意該部
遵諭速行

二月二十一日奉

上諭兩浙總督尹繼善奏稱江寧駐防鎮兵餉不
每年正四七十等月開支本色其餘八個月概給
折色江省上年秋成雖大慨有此而川廣米船多
搬運赴浙東之省城戶口殷繁入春以來糧價漸
增兵米不敷買食請於節年支存米石內肯借一
月本色自本年十月起在於冬季應得本色內分

作八個月扣還等語著照所請即交該督酌量於五六月間青黃不接之時將江寧駐防兵米借支一月本色以資接濟

三月二十一日奉

上諭據江西巡撫鄂昌奏稱南康九江廣信饒州四府屬上年收成既歉經冬及春雨雪嚴寒糧價益貴無業窮民流亡無地覓食無方等語朕心深為軫念著交與該撫鄂昌速行妥協籌畫或就近動撥倉糧人為減價平糶以資接濟或即賜以一月賑恤總不必拘定勘不成災常例俾窮黎得藉裹食不致失所以剝脫惻隱一體之意

四月十四日奉

上諭據浙江巡撫雅爾哈善奏稱金華蘭谿等縣
所屬卹莊間有一兩處被雹查明麥菜有被傷者
即借給口糧籽粒俾其補種晚禾等語浙東金華
等處上年被災較重全賴春花以資接濟今金華
蘭谿等縣又間有被雹之處麥菜受傷災餘窮黎
生計愈滋拮据所有借給口糧籽粒即著加恩賞
給免其照例徵還以示軫恤該部即遵諭行

八月十四日奉

上諭據閩浙總督喀爾吉善奏稱泉州府屬之晉
江南安溪溪同安等縣廈門一廳於七月初一初
九等日大雨颶風水勢湧漲官民房屋俱有衝坍
之處廈門海口商漁戰哨各船亦多撞擊漂沒等

語晉江等處猝被風雨海水汎溢有未災勢頗重
朕心深為軫念該督喀爾吉善已經前往查勘著
督率屬員實力經理所有應行撫恤事宜一面辦
理一面奏聞其被災稍輕之永福羅源永春莆田
等州縣並著委員確查分別撫恤務俾災黎均無
失所以示朕侗轍一體之意該部遵諭速行

十八日奉

上諭前聞陝省夏秋以來雨澤愆期頗有旱象朕
心深為軫念於該督撫奏到之時屢經降旨切詢
是否成災速行具奏並飭河南巡撫蔣炳於秦豫
隣近州縣酌撥漕穀以備接濟今據西安巡撫鍾
晉奏報西同鳳乾等屬缺雨情形是被旱地方甚

屬廣潤即使晴得甘霖可以犁種春麥而本年夏
收已屬失望民食必多拮据撫恤之道自不可不
亟為籌辦該部即連行文該督黃廷桂令其回至
西省親行查勘會同該撫悉心籌畫現在該督撫
已飭屬緩徵所有應需賑恤事宜著即一面具奏
一面辦理如成災分數甚重本地倉儲不敷動用
即行咨會豫撫委員接運務使被災窮黎不致一
夫失所以副朕勤求民瘼至意

御製陝西秋禾被旱歉收詩以言志

壬申

聞災輒顧為愁頻教減丁寧諄奏人豈是翻欣遭
水旱試思誰救轉溝民

地高鑿井苦無由禾歉應知有竄流洛爾長官善

撫恤漫言二麥尚豐收

轉漕龍門跡久湮亢陽偏爾重三秦多方備穀糴
河內資濟流通賴好隣

九月初七日奉

上諭閩省今秋猝被風潮雖據該督奏報晚禾雨
插於收成無碍但風勢猛烈廬舍多有坍塌無力
窮黎既罄棲息復計糴殮未免拮据著加恩將晉
江南安同安安溪等四縣被災貧戶概行加賑一
月俾災民不致失所該部即遵諭行

十月十五日奉

上諭阿思哈奏稱陝西蒲解等屬被旱偏災平陽
紳衿耆庶人等捐輸銀兩就近解交河東道庫以

為加賑銀數萬散之用此奏殊為卑鄙錯謬之至
朕嘗駭聞直省偶遇偏災地方殷實之家樂善好
施或自出家產積貯或出己資糴運米石散給貧
民功令原所不禁惟具數報官量加優叙以為閭
閻任卹者勸耳並非歛資貯庫藉以助賑也國家
賑濟蠲緩重者數百萬兩少亦數十萬兩悉動庫
帑正項從無顧惜地方富戶所捐幾何貯庫助賑
殊非體制此端一開則偏災之地貧民既苦艱食
富戶又令出資國家撫卹災黎何忍出此深負朕
恫瘝一體之意阿思哈著交部嚴加該處所捐銀
兩著發還聽該紳衿等自行辦理摺並發

十一月初一日奉

上諭陝省今年被旱偏災米豆草束價直昂貴駐防滿兵所領折支銀兩未免不敷購買著將癸酉年春季分西安駐防應領折支米豆照原定每石一兩之數加給五錢草料加倍賞給俾兵丁不致添價採辦以示體卹

十一日奉

上諭今年山西蒲解等屬秋禾被旱其勘明成災僅止五分者定例不在賑恤之列但距麥收已逾數月時屆隆冬小民謀食未免拮据著格外加恩將聞喜榮河解州萬泉芮城等州縣被災五分之一處一體撫卹一月口糧於十二月初旬開賑俾度歲不致乏食以示軫念貧黎之意該部遵諭速行

畢忠全書卷三十一

平惠全書卷三十二

偏隅賑借六

乾隆十八年正月初二日本

上諭陝省西同等屬之耀州等三十七州縣晉省
蒲解等屬之永濟等十一州縣上年夏秋被旱業
令該督撫等加意撫恤照例蠲賑以期被災窮黎
不致失所今時屆春和東作方興距春秋之期尚
遠小民餬口維艱朕心深為屋念著加恩將陝晉
二省被災州縣內勘明成災六分以上者無論極
貧次貧概行加賑一個月以資接濟該督撫其董
率屬員妥協經理務俾閭閻均霑膏惠以副朕愛
養黎元之意該部即遵諭速行

七月十九日奉

上諭江南歙縣太湖太平等處地方於五月二十五六等日山水漲發田畝淹浸房屋民人間有損傷前據鄂容安等奏到朕已批示被水卹莊雖屬一隅亟宜撫卹毋致失所著傳諭該督撫等督飭所屬實力查辦所有被災處所務宜照例賑卹倘有成災即行加意撫綏一面奏聞一面辦理俾災黎得霑膏惠該部遵諭速行

二十四日奉

上諭據河道總督高斌等奏稱本月十二日西風大暴湖水奔注高郵城南車運壩過水四尺八寸沿河小船多被衝傾西岸人家房屋打壞二百餘

家等語前因江南被水州縣已降旨令該督撫等
加意撫卹今遇湖水盛漲車運壩過水至四尺有
餘下莊田不必多被淹之處現在民房已有損壞
一切俱宜亟加撫卹毋俾失所著莊有茶速赴高
郵一帶親行查勘督率所屬實心籌畫一面奏聞
一面辦理仍將臨湖田畝被淹若干如何辦理情
形據實速奏以慰軫念該部即速傳諭知之

九月十八日奉

上諭江南揚徐各屬被水成災屢經降旨加意撫
綏截留漕糧撥運川米以備賑卹又恐撥運過多
致各省米貴並令銀米兼賑但照定例又慮災地
不敷糴食著加恩每石增給銀二錢俾災民買食

寬裕該部即遵諭行

十月十八日奉

上諭前因江南揚徐被災各屬銀米兼賑恩照例
價給銀不敷雜食加恩每石增給銀二錢今上江
鳳泗各屬被災亦重其折賑銀兩亦著照下江之
例加給俾災民買食寬裕均霑實惠該部遵諭速
行

二十九日奉

上諭據舒赫德奏上下江辦理賑務微有互異下
江按月照三十日全給上江則遇間曠扣除等語
夫按日給賑例應扣除間曠是上江合例而下江
非但江南此次被災甚重非常偏災可比朕心

為之育卹靡寧其上江縣銀著照下江所辦按月全給不必扣除間曠以示優卹嗣後如遇有偶災仍照定例辦理該部即遵諭行

十一月二十五日奉

上諭據温州總兵施廷專奏稱所屬早稻收成均有八分惟玉環山畝非係高坡即屬沙域被曬日久收成僅有二分等語玉環乃海疆斥鹵之區災至八分實非他邑偏災可比亟宜確按情形豫籌接濟從前該督撫奏報借內雖稱早災稍重但未奏及成災分數且喀爾吉善奏蠲緩錢糧借給口糧籽本係借通省大局而言而雅爾哈善亦祇稱運米備用均未將玉環災地現應作何辦理之處

分晰聲明著該督撫等將該處實在成災分數及應如何籌畫撫卹一面據實覆奏一面督率所屬妥協辦理毋致失所該部速行傳諭知之

乾隆十九年正月初二日奉

上諭江南淮揚徐海及靈虹睢宿一帶地方上年被災甚重經朕降旨截漕撥帑增給賑銀多方籌辦並敕地方官加意撫綏災戶俱已得所其積水漸消之地亦皆次第補種二麥可望有收惟是今年閏月節候較遲麥收尚早倒賑之期已將屆滿窮黎餬口之資更宜豫為區籌著該督撫等就各州縣衛災地重輕查明極次貧戶再行分別加賑一月兩月其毋庸加賑者仍酌量平糶以濟民食

一面督率所屬寄力查辦一面奏聞該部即遵諭行

御製新正二日降旨加賑去歲淮徐被水州縣請

以紀事

戊甲

本德初辛甲氏艱切體乾念彼淮徐間災餘膏可憐宣房亟就功黃流始歸川次第事疏築期多涸泐田畝耕縱不誤冬寒信其然棣通陽德昭萬物欣陶甄一方鴻雁集寧忍想視旃椒屏歸几張南望心為懸加賑頒新綸恤澤因時宣詎意行故事還殷祈有年

初三日奉

上諭據鄂容安奏江省驛站每馬一疋日給銀六

分現在草料昂貴請循照七年成例加給等語上年鳳翔准徐各屬被水驛站情形不無拮据著照所請准其加給二分俟本年秋收後停止

三月初四日奉

上諭上下兩江上年被水地方經朕多方籌畫加意撫綏但成災甚重積水消涸先後不齊或尚有未盡耕耨之處今年遇閏麥收較緩青黃不接為日更長嗷嗷小民良深廑念著傳諭該督撫等將被災州縣再行詳查應如何再加分別賑糶之處一面奏聞一面的量辦理俾未盡涸之區得資餬口該部遵諭速行

四月二十四日奉

上諭上下兩江被災州縣已疊次加恩前因今年
遇閏恐青黃不接之日民食信據傳諭該督撫查
明的量再加賑卹令據鄂咨委按照各屬輕重情
形奏請分別加賑平糶著照所請將上江之宿州
鳳陽臨淮懷遠虹縣靈璧泗州盱眙五河等九州
縣長淮鳳陽泗州等三衛下江之阜寧鹽城興化
海州沐陽山陽清河桃源安東高郵泰州甘泉寶
應銅山沛縣邳州宿遷睢寧等十八州縣鎮江淮
安大河揚州徐州等五衛無論極次貧戶俱再加
賑一月其餘災輕州縣仍及時平糶以資接濟該
督撫等其督率所屬加意賑卹務使災黎均霑膏
惠毋致向隅該部遵諭速行

六月初四日本

上諭據新任陳宏謀等奏漳州府屬之龍溪漳浦
海澄南靖長泰平和詔安等縣泉州府屬之同安
縣及雲霄南勝等處於閏四月十七八等日大雨
山水驟發一時宣洩不及房屋間有坍塌人口亦
有淹斃等語貧民猝被水災田廬漂沒深甚閭閻
著該督喀爾吉善即速查明加意撫恤給予一月
口糧無令失所沖塌房屋損傷人口照例速行辦
理其田禾淹沒處所民力艱難所有本年應徵錢
糧俱著加恩緩其徵收至城署營房祠宇坍塌之
處一並勘明分別修理該督等並率屬員即行督
力查辦務俾災黎均霑膏惠毋致胥役中飽該部

遵諭速行

十七日奉

上諭據莊有恭等奏沛縣之千三千六等里因下
游淤墊積水未消窮黎糶食維艱仰懇再借給兩
月口糧俟來歲秋收後照例免息徵還等語該處
災黎麥秋無獲雖屢經賑卹而待哺情殷殊屬可
憫著照所請查明該地未涸卹莊將各里貧民再
加借兩月口糧以資接濟該部即遵諭行

七月三十日奉

上諭據江南總督邵容安巡撫莊有恭奏稱淮揚
所屬之興化泰州高郵寶應阜寧鹽城清河桃源
安東等處因雨水過多積水不能一時消涸其最

窪之地秋成已致失望等語該處上年被災甚重
今夏疊被水災閭閻鋤口無資朕心深為軫惻著
該督撫等加意撫綏查明應賑戶口著動倉穀分
別賑卹並飭屬員實力辦理務使災民均霑膏惠
其餘各屬如有積水不能補種之處著一併查明
照例妥辦毋致失所該部即遵諭行

御製下河州縣復有被水處亟命撫恤兼示董事

者
戊甲

去歲漲徐淮哀鴻被重災全隄雖順軌日日繫吾
懷

麥收既報豐夏種亦稱既如何臨西成將食奪之
匱

下河誠水鄉疏導宜周詳急須引歸塘壩徒固隄
防

分命及專差相視謀論排浚疏誠得法此災復何
來

聞奏日得聖旨臣何為情哉漕留帑金救此替替
紙

九月初一日奉

上諭吉慶奏通分司所屬角斜柃茶豐利等場竈
地方八月初一日偶被風潮草房間有倒塌人口
間有損傷已照例撫卹並給修費棺殮等語煎丁
猝被水災情堪憫惻若僅按例撫卹一月口糧未
免拮据著查明各場被淹處所無力煎丁於九月

內再行加賑一月口糧以示軫卹該部即遵諭行

十一月初三日奉

上諭喀爾吉善等奏臺灣等處颶風頗作沈失商
漁船隻坍塌民房田禾間有剝損諸羅彰化二縣
被災較重等語臺灣地居海外貧民倖被風災殊
堪憫惻著該督撫查明被災戶口加意撫綏所有
本地應徵地丁錢糧照例分別蠲緩之食貧民酌
借口糧妥善接濟其坍塌房間擊沈船隻查明給
與修費及掩埋之資仍督飭屬員悉心查辦務使
災黎均需膏惠至應行撥運內地補倉米穀著暫
停運留備賑卹之用該部即遵諭行

十七日奉

上諭今歲夏秋積雨淮揚下河等處復被水災所
有災地戶口現已加恩撫賑而在城無業貧民以
及鰥寡孤獨之人當此歉歲寒冬餬口維艱實堪
憫惻著交與該督戶繼善該撫莊有恭查明被災
較重州縣在於各城設廠煮賑所需米石即照上
年之例於截漕項下不給丁五米內動支該督撫
等其董率屬員加意經理俾窮民均霑實惠該部
遵諭速行

十二月十九日奉

上諭上年揚州府屬與淮徐二處俱經被水成災
所有乾隆十八年分揚屬驛站草料准照淮徐一
體加給

乾隆二十年正月初二日奉

上諭江南淮揚徐各屬近年未獲豐收雖已截漕
發粟多方賑借現獲寧居恐二三月間青黃不接
之時民力不無拮据尚應再為調劑著該督撫等
體察情形有加恩賑給之處即行奏聞辦理以示
優卹

御製正月二日降旨加賑去歲被災下河州縣已

普天樂新歲數縣鳴哀鴻念此嗷嗷民孰非隸保

中來春宜布澤況彼四者憚叶南望沮洳鄉連歲

鮮遇豐賑卹雖類施豈盡蘇疲瘵一夫不獲所饒

溺吾應同面咨授方伯

江蘇巡撫莊有恭朝正至
京禮畢卽命回任查賑

接賑飭司農通開水漸涸麥種虞全空速給耕及

時或得饑腸充剝髮之良方勸民惟省躬

二月二十三日奉

上諭據碩色等奏滇省易門縣石屏州兩處上年十二月十六日地震所有倒塌民房傷壓人口請照例賑給等語該州縣地震成災該督撫等雖經照例分別賑給但念被災甚重窮黎尚多拮据所有賑卹銀兩著加恩於常例外加一倍賑給以示優卹其被災各戶酌借常平倉穀以資接濟之處均如該督撫所請該部遵諭速行

五月十九日奉

上諭據尹繼善莊有恭奏淮徐海三府州屬四月初七等日連日大雨上游水發淮屬之清河桃源

安東徐屬之銅山豐沛蕭縣碭山邳州宿遷睢寧
海州沐陽贛榆並江寧府屬之江浦一縣附近湖
河窪地被淹等語江南淮徐等屬連年被水原係
積數之區今窪地又復被淹民力必致拮据朕心
深切軫念著該督等速行查明被水州縣貧民應
賑卹者分別賑卹所有涸出地畝尚可補種秋禾
者即行借給籽種速令補種務俾口食有資災黎
不致失所該部遵諭速行

七月十五日奉

上諭據富勒赫奏本年六月運河水長至一丈九
尺餘寸較上八年盛漲尚大六寸將車運南關五
里三壩次第開放現在各工竭力搶護平穩等語

河湖盛漲自不得不啓放壩牐以保護淮揚但壩
牐既開則下游窪地卽莊難免浸溢被水窮黎殊
堪軫惻著該撫等迅速前往詳悉察勘被災處所
分委妥員一面動帑照例賑卹務俾均霑膏惠毋
致稍有失所至此次在上員弁竭力搶護工程穩
固殊屬可嘉著俟秋汛過後該督等查明具奏交
該部議敘

十月初八日奉

上諭浙江杭州紹興等府屬今秋雨水過多偶被偏
災朕屢降旨令該撫加意撫綏蠲緩並截漕備用
現今已屆冬令災民口食維艱朕心深為軫念著
將被災較重之山陰會稽餘姚上虞安吉五州縣

極貧加賑三個月次貧加賑兩個月仁和歸安烏程德清長興武原諸暨蕭山八縣曹娥金山鳴鶴下砂四場湖州字禦一所被災稍輕之處極貧加賑兩個月次貧加賑一個月並准其銀穀兼賑該處現在糧價未免稍昂若照例折給猶恐貧民不敷買食再著加恩每穀一石折銀七錢每米一石折銀一兩四錢該督撫等分委妥員實力查辦毋任胥吏乘機侵刻務俾災黎均霑實惠該部遵諭速行

十一日奉

上諭江蘇等各府屬今年被水成災朕心深為軫念已屢經降旨截漕撥粟俾賑糶所需務從寬裕

其應賬戶口俱令銀米兼賑但該處現在糧價不
無稍昂著加恩每米一石加給銀二錢以救買食
至本年應運漕糧除已截留外現屆開漕該省既
經被水米色顆粒自當稍減所有交倉米石並著
不論紅白粒硬地方官酌量可收一體准予收兌
此等米石兌運抵通即先行撥放俾餉該部遵諭
速行

二十日奉

上諭浙省杭嘉湖等府所屬州縣今年秋雨過多
亦間有被災之處已經屢降諭旨令該督撫等妥
為撫恤並截留漕糧以資賑恤但田禾傷於雨水
米色顆粒自必稍減若徵收之際仍照例責以乾

圖潔淨小民未免艱於輸餉所有該省應行起運漕糧不論紅白舩便亦俱著准其一體收兌以示體卹該部即遵諭行

十一月初四日奉

上諭據白鍾山奏東省鄒縣等州縣秋禾偶被偏災照例銀穀兼賑所有濟寧等五州縣被災較重等語此次東省偏災較重地方糧價自必漸昂若照定例每穀一石折賑銀五錢貧民買食不敷無拮据著加恩將濟寧蘭山鄒城日照利津五州縣於每穀一石折賑銀五錢之外增給銀一錢俾災民糴食充裕以示優恤該部遵諭速行

初八日奉

上諭江蘇被災各屬現已加恩撫賑而例不給賑
之在城無業貧民當此歉歲寒冬餬口維艱實堪
憫惻除淮陽二處業據該鹽政普福奏稱現據商
捐煮賑外其餘被災各屬著交與尹繼善莊有恭
分別災地重輕在於各城設廠煮賑所需米石照
乾隆十八十九兩年之例於截漕項下不給丁五
米內動支該督撫等具量率屬員加意經理務俾
窮黎均需膏惠該部遵諭速行

初八日奉

上諭前據尹繼善等奏請將上江之鳳潁泗滁和
下江之江蘇常鎮淮揚徐等處被災地方駟馬草
料每日暫行加給二分業經照請准行其廬州府

屬亦有被災之處所有駒站草料亦著一體加給

十二月初二日奉

上諭今年江浙所屬地方偶被偏災之處前經降旨銀米兼賑並加恩每米一石加銀二錢以資買食其安徽一省雖據鄂樂舜奏稱十月十一月內先後本折兼賑民情寧貼現在已經發給本色等語但該地既已被災嗣後如有給放折色之處應照江浙浙省之例每石加給折價銀二錢俾小民得需資惠該部遵諭速行

乾隆二十一年正月十五日奉

上諭上年上下兩江被災各屬屢經降旨截漕撥東撫賑兼施但念麥收之期為時尚遠當此青黃

不接之候小民糊口維艱殊堪憫惻者加恩將被災最重次重之州縣極貧各加賑三個月次貧加賑兩個月被災較輕等處極貧各加賑兩個月次貧加賑一個月各衛軍隨土落州縣一體加給其勘不成災例無賑恤之吳江等州縣並酌借口糧一月以資接濟於秋收後免息催還所需賑糧酌量倉貯多寡銀米兼放折賑銀兩仍照加增之數折給該督撫具詳悉查明分別輕重督率屬員善為經理務俾災黎均霑膏惠該部即遵諭速行

御製勵志詩

有序

命戶部會計雍正十三年間蠲賑江南銀百四十餘萬乾隆元年至十八年蠲賑江南銀二千

四百九十餘萬石稱是有以施博後難為繼為
言者詩以勵志

皇考勸民瘼明綸戒大吏災傷孰敢隱獨賑廣儲
備江南稱水鄉霖潦每易致十三年之間百四十
萬賜試較古殺災有過無不至矧予奉

家法屯膏懼非義十八年所賑過先二十倍災多
賑以多調募惟增愧或云民習驗或云官示惠胥
非我所知所知病瘼意捐上期蓋下卦文義昭示
所全良必衆永言勵吾志

二月十九日奉

上諭江蘇上年被災地方俱已加恩展賑鹽屬場
窳坐落各州縣情形與地方貧民無異自應一體

加恩著將淮屬被災十分九分之板浦徐清中正
光清臨洪興莊六場泰屬被災八分之廟灣一場
被災六分之丁溪小海草堰劉莊伍祐新興六場
並木成災之南五場及通屬十場分別極貧次貧
應展賑者照例按月展賑應借給口糧者俟秋收
徵還所有賑糧銀米兼支及賑銀加增之數俱著
照地方災民之例一體辦理該督撫鹽政督率所
屬實力奉行務令災丁溥霑實惠該部遵諭速行

二十日奉

上諭上年浙省偏災屢經降旨賑恤所在地方均
設廠煮賑無業貧民朝夕就哺稍濟急需但聞城
鄉遠近就食者衆而春收為期尚遠煮賑所需米

石出自捐輸者恐不敷接濟著該督喀爾吉善於
藩庫鹽庫所存開款酌量動支撥給各廠接濟至
蠶麥將成之時再行停止務飭屬實心經理俾災
黎得需實惠再者煮賑催資銅口將來穀雨屆候
卽係浸種插秧之期地方有司應詳切勸諭令其
各務農故趨時力作庶使成可望並諭知之該部
遵諭遵行

二十四日奉

上諭上年東省沂州府等屬州縣秋收被災業已
降旨照例賑卹並增給折賑銀兩今該撫加意撫
綏但念麥收之期尚遠當此青黃不接災黎銅口
艱難深為軫念著查明被災州縣內分別加恩最

重者加賑兩個月次重者加賑一個月該撫督率
有司實心經理俾窮民均霑德澤

御製降旨加賑去歲山東被災州縣兩

去歲閩省豐被水廿州縣去歲東省鄆縣等十九

蘭山郛城日照利津五屬較重各按分數給賑

青者每石增直一錢至是復命加賑以兩月一月

為其中尚偏災况非所經見而我意惻惻如親溝

壑轉迎饗來老幼載道衆無萬飽暖多欣欣思彼

向隅嘆亟重加兩月其餘概賜半復慮倉儲少許

以銀兼散銀不足投價則為增其算勸民不厭詳

廿年一歲實有司善施行其令吾恩遍

三月初八日奉

上諭上年江省被災米價昂貴今距麥秋尚遠一

時恐未即平所有江寧駐防旗兵月支餉銀或不
敷買食生計未免拮据朕心深為軫念著加恩按
名借給一月餉米以資接濟俟秋成後於應支米
內分月扣還該督酌撥米石迅速發給副朕優卹
戎行至意

閏九月初五日奉

上諭山東金鄉等州縣本年窪地秋禾被水其成
災處所已令該撫酌量撫卹銀數兼賑但金鄉魚
臺濟寧嶧縣滕縣等五州縣地臨湖河被災較重
若照每穀一石折銀五錢之例價直恐有不敷著
加恩於五錢之外增給銀一錢俾窮黎糴食寬裕
以示軫恤該部即遵諭行

十二月十八日奉

上諭山東之濟寧金鄉魚臺滕嶧等五州縣衛今秋被水較重前已降旨加恩賑卹現在水勢逐漸消退但尚有未經涸出地畝不能播種春麥深堪軫念著該撫詳細查明再加賑兩個月以資接濟該部即遵諭行

平惠全書卷三十二

平惠全書卷三十三

偏隅賑借七

乾隆二十二年正月初三日奉

上諭上年江南淮徐海等屬被水偏災業經加恩賑卹但念該處連年積歉現屆停賑之期而東作方興麥秋尚遠閭閻口食未免拮据著再加恩將下江被災較重之清河桃源銅山蕭縣沛縣邳州宿遷睢寧海州沐陽徐州大河等十二州縣銜極貧加賑三個月次貧加賑兩個月被災較輕之安東豐縣碭山三縣同上江被災之宿州靈璧虹縣長淮等四縣銜極貧加賑兩個月次貧加賑一個月其貧生災軍兵屬各隨坐落州縣一體加賑以

資接濟該督撫等其董率屬員妥協經理無遺無
濫以副朕軫卹災黎之意該部即遵諭行

二十日奉

上諭山東之濟寧金鄉魚臺滕嶧等五州縣衛上
年偶被水災已降旨於加恩賑恤之外加賑兩個
月以資接濟今翠華經臨念閏閏春作方殷麥收
有待著再加賑一個月該撫其董率屬員實力查
辦以副朕軫卹災黎至意

御製降旨加賑去歲被水五州縣

去歲河北溢乃自無隄處填築丈疎畧遂有奔溜

慮

河至孫家集以北無隄黃河漫流所過汕刷成
渠者水落從一一填築以禦未歲汎漲上平河

臣經理疎畧致黃河北流幾至奔溜亟命大臣堵
塞而當河溢時河上流諸州縣積潦無可宣洩東

有魚臺等處災健至堵塞乃得歸故路積水則已
遂成災矣
又五郎當其劇尾間苦泥淤當春尚沮洳田正
需時耕犁早云誤新正倒施惠加賑曹頒諭今未
緣由巡民艱悉經度何妨一再加蘇此憫獨庶嗟
爾親民官推行體休助

二月初二日奉

上諭上年江南之淮徐海等屬被水偏災除照例
賑恤外復經降旨分別被災輕重加賑一二三月
以資接濟今朕翠華南幸體訪民情而災地貧黎
尤深軫念著再加恩將下江被災之清河桃源銅
山蕭縣沛縣邳州宿遷睢寧海州沐陽徐州大河
等十二州縣衛及安東豐縣二縣同上江被災之

宿州靈璧虹縣長淮等四縣衛毋論極貧次貧俱
各加賑一個月以普惠澤該督撫等其督率屬員
妥協經理慰朕懷保至意該部即遵諭行

御製復降旨加賑江南被災州縣詩以示總督戶

繼善及地方大小諸吏丁

新正寬大詔蠲欠江浙暨翠華昨發輟加賑已次
第茲入江南境宿桃目所擊叶百家鮮積糧麥苗
猶在地夏收云尚遠是宜善安置吾民藍縷多嗟
此饑寒輩游災乃若斯應懇誰所致養老及調貧
雖日頒錢騎命親隨侍衛等齎養老牌以賜尚念
高年其貧富者則給以白金溝壑憫旬旬或艱至已加賑再加節薦庶均逮以
及安慶屬一例俾需賜既毋事催科其善勸撫字

漏卮何處無莫使侵胥吏

初九日奉

上諭豫省之夏邑商邱永城虞城四縣與蕭陽曹
單災地犬牙相入至獨無災此中州之民浮撲風
厚不敢言災是以賑恤未及蓋用嘉憫著該撫卹
速勘明積水地畝給賑一月其有應行平糶及量
借籽種口糧之處一併率屬實心妥協辦理毋令
抱痛向隅以副朕惠鮮彰善至意

十七日奉

上諭上江所屬之宿遷虹三州縣及長淮一衝去
秋被水災黎其成災在六分以上者業已多方撫
卹復雨經降旨加賑自可不致失所惟被災五分

地畝定例既不成災不在給賑之內而其中有積
水未消不能種麥之處及已種春麥正月內又為
毛城鋪減洩黃水淹沒者雖可播種大田而時距
秋成尚遠貧民生計不無拮据清問所及軫念殊
深著加恩於例借一月口糧之外再加借一月口
糧以資力作該督撫其重率屬員查明速辦

六月初四日奉

上諭據圖爾炳阿奏報開封府屬之鄆陵杞縣陳
留通許尉氏陳州府屬之扶溝沈邱歸德府屬之
睢州寧陵商邱虞城永城夏邑許州屬之臨潁等
州縣山水驟發河流浸溢一時宣洩不及窪地積
水二三尺及四五尺不等又汝歸陳等府屬補種

秋禾又有被淹等語前聞歸德各屬新種低田連
值大雨被淹素經傳諭該撫等令將積水設法疏
消並令查明撫卹酌借籽種現復加恩將夏邑等
四縣二十三年地丁錢糧概行蠲免所有開封府
屬之鄆陵等州縣雖被水之輕重不同而秋成未
免失望自應一併亟為設法辦理著該撫劉體
等速即委員前赴被水各該處分路確查將積水
上緊疏消俾得早為涸退趕種晚禾此內應撫卹
者卽行撫卹其無力貧民缺乏籽種者照例酌借
令其及時補種蒱豆雜糧使窮民無致失所

十二日奉

上諭河南夏邑等縣被災前經疊次加恩賑卹今

歸德府屬之夏邑商邱虞城永城考城並陳許兩屬各縣五六月間大雨連綿以致窪地復有積水秋禾被淹已命侍郎袁日修前往相度疏濬冀速為消涸但該省濱河州縣與山東之金鄉魚臺江南之宿虹豐沛等處壤地相錯屢次被災在山東江南者均邀賑卹而該省地方官從前並未留心查辦獨抱向隅今涸出補種之秋禾復被漫淹平地亦多淹浸朕心深為閔惻雖定例夏災不賑而該處積歉之後民食艱難應加優卹副都統三泰郎中蘇爾德現在奉使在豫著即率同護撫劉懋愷查明被災戶口無論極次貧民概予撫卹一月口糧此朕格外特恩不在常例之內其並率有司實

心查辦無碍胥役侵蝕中飽俟胡寶琰到豫日三
秦等再行回京該部即遵諭速行

十三日本

上諭護理河南巡撫劉懋奏夏永等縣因大雨疊
沛秋禾多被淹損勢難補種惟俟八九月內務飭
該縣等督率被災民人極力疏涸毋誤種麥之期
等語前聞該處秋禾被淹已有旨令查明戶口格
外賑卹但此四縣積年被水一雨即淹自應速求
疏洩之方然此豈該縣等所能辦若僅委之該縣
仍不過奉行故事如歷年所為其為貽誤尚可言
耶現命侍郎袁日修前往豫省相度各處疏濬事
宜所有夏永等處積水著袁日修會同巡撫胡寶

豫熱察該地情形確勘受患之由徹底籌畫上緊
疏消務俾涸出地畝得趕種秋麥春雨不致復淹
災民得免昏墊之苦即工鉅多費帑金亦所不惜
但現在該處續報被水昨經傳諭副都統三泰等
率同該道撫詳悉查明不分極次貧民通行賑卹
令劉健以撫卹完竣具奏仍屬草率了事已於另
摺批示著三泰等遵照前旨所有被災州縣逐一
詳查妥辦毋致災黎失所副朕惻隱在己之意摺
並發

二十三日奉

上諭方觀承奏直隸魏縣漳河暴漲城鄉居民房
屋俱有倒塌田禾亦多淹浸現已查勘賑給口糧

等語魏邑猝遇水災秋成失望若照例俟查明成災分數始行賑卹未免少需時日嗷嗷災黎深堪軫念所有被水貧戶著照乾隆八年之例於急賑一月後按月給予續賑銀米兼發用資生計其倒塌房屋亦著照撫卹成例速行查辦俾得早獲寧居至水退後如何播種秋麥勸諭農民及時播種並著按畝借給麥種銀兩以資力作該督具董事屬員妥協經理務使均霑實惠副朕懷保至意

二十四日奉

上諭方觀承奏稱元城大名兩縣因衛河陡漲城鄉田舍多被淹浸現飭司道等查勘撫卹等語昨據報魏縣被水已降旨令該督將賑卹事宜照乾

隆八年之例速為經理今元城等處復被大滂窮
黎深堪軫念著該督迅速前往一併查勘所有應
行賑卹事宜悉照魏縣一體妥協辦理務俾均霑
實惠不致失所該部即遵諭行

二十六日奉

上諭愛必達奏徐屬之沛縣於五月中旬水勢驟
長城內積水浸淹現在親赴該縣查勘防護等語
該縣積年被水茲復驟遭淹沒自應亟為設法疏
洩其無力貧民亦宜速加撫卹現在愛必達即赴
雲南而陳宏謀尚未到任江蘇巡撫印務自屬尹
繼善兼攝愛必達所有親行查勘應行急賑請賑
之處著交該督速行妥協籌辦務俾災地貧黎不

致文所以副朕軫念該部即遵諭行

二十九日奉

上諭據高晉奏宿州靈璧虹縣懷遠霍邱潁上泗
州盱眙五河壽州鳳陽阜陽太和蒙城亳州並鳳
陽長淮泗州三衛濱臨河湖窪地秋禾被淹現在
查勘撫卹等語宿州等處夏麥已被水災今秋禾
又復淹浸深堪軫念著該撫等督率屬員速赴被
災處所上緊設法疏洩俾得補種莊莊雜糧以資
民食其應行撫卹事宜著該撫等照例分別妥協
辦理務令被災窮黎均霑膏惠毋致失所該部即
遵諭行

三十日奉

上諭據劉懋奏衛輝府屬之汲縣淇縣六月中大雨連綿山水陡發城垣民房俱有倒塌並淹斃人口現飭彰衛懷道永泰督率查辦撫卹等語豫省今歲被水之處頗多該二縣向非窪下猝被淹沒情形殊為可憫所有一切撫卹事宜著該撫督率該地方官速行照例妥協辦理水退可種之地勸令趕種莊豆雜糧以資民食其應給賑糧修理坍塌房費俱著即行動款發給至續報被災之封邱中牟陽武新鄭武陟原武輝縣滑縣新鄉延津獲嘉許州長葛等州縣亦著即速詳查照例撫卹務俾閭閻均霑實惠毋致稍有失所以副朕軫念災黎至意

三十日奉

上諭據甘肅巡撫吳達善奏甘省之碾伯會寧等三十八州縣廳所屬各村莊今夏或因崖土坍塌或雨中帶雹山水漲發間有損傷田禾及衝壓房屋淹斃人口之處現在飭查撫卹等語甘省地處邊陲雨雹偏災早潦不齊雖時有然今歲被災情形視往年較廣朕心深為軫念著該撫董率屬員將災地逐一詳勘具有可以補種雜糧者即速酌量借給籽本趕種晚秋以望西成其衝倒房屋以及淹斃人口牲畜俱著即行確查照例按數賑給務俾邊徼災黎均霑膏惠毋致稍有失所大學士黃廷桂回任時並令順道查察該部即遵諭速

行

七月初一日奉

上諭據鶴年奏漳河暴漲驟注衛河所有館陶冠縣等縣衝猝被水災諸水匯集無從宣洩以致濟寧魚臺金鄉等處已涸復淹等語濟寧魚臺等縣久被積潦今館陶等縣衝復經河流驟浸當此秋禾或長之時若不速行設法疏消窮黎其何以濟該撫既經親往查勘著董率屬員加意撫卹照例卹予急賑一月不必拘秋災成例務令均霑膏惠毋致失所並令一面堵禦一面疏消一有涸出地畝急令補種莊麥以冀秋成凡目前救濟之事及日後永遠之方該撫其悉心詳求妥辦以副軫念

黎元至意

初五日本

上諭河南被災州縣已屢降旨該撫等加意撫卹從來賑濟之道銀便於米且該省被災之後將米糶借正繁皆須倉粟接濟現在散賑著概以銀錢折給但向例銀米兼投配搭均勻每粟一石祇折銀六錢今專用銀錢若仍照舊例折給民間買食恐有不敷著加恩於定例六錢之外每石加給一錢俾災地貧黎謀食寬裕該撫其董率屬員核實經理務令小民均霑實惠用副朕格外優卹至意該部卽遵諭行

初九日本

上諭方觀承查奏清河漫溢情形一摺前聞魏縣元城大名等處猝被水災當經降旨照乾隆八年之例賞給急賑銀兩其倒塌房屋並令按間給銀俾得早獲寧居仍令該督方觀承親往查勘今該督雖稱被災窮黎口食有資婦孺相依嬰竈畧具等語但該處今年被水甚重城鄉居民家室蕩析甚屬可憫如有應行加恩之處仍著該督迅速查明具奏不必拘於常例務使被災窮黎不致稍有失所以慰朕已饑已溺之至意至魏縣城外積年淤淤已成釜底之形將來應作何等辦並著該督方觀承確按情形妥議請旨該部遵諭施行

初十日奉

上諭鶴年所奏查勘各州縣被水成災並請報河
流漫溢情形一摺前因漳河暴漲驟注衛河館陶
等縣衝被水成災而濟寧魚臺金鄉等處已涸之
地又復淹浸即經降旨令該撫鶴年加意撫卹今
據該撫親往查勘及據各屬續報此次被水成災
者有館陶武城臨清州臨清衛冠縣夏津朝城堂
邑邱縣單縣恩縣范縣德州衛濮州濮州衛曹縣
壽張等十七州縣衝嘉禾徧隴轉瞬秋成猝被水
災農民失望室廬蕩析棲息無所朕心深為軫念
所有被水各屬俱著該撫遵照前旨一體加意撫
卹並各賞給急賑銀兩毋徇秋災成例其房屋坍
塌者即速給賞修葺毋令久處苦舍致滋疾病以

慰服懷保小民至意至館陶隄稔向例雖係民修但今被災已重生計拮据何忍復責以工役之事著卽遣委道府大員星速動帑估修捍禦未路期令速涸若水退之後有可補種莊麥者卽酌借籽種勸諭乘時補種接濟口食該撫鶴年具善體朕意妥協經理務俾災黎不致稍有失所該部卽遵諭行

十六日奉

上諭江南徐州府屬之沛縣連年積歉今夏雨水過多城鄉各處又被漫淹前經有旨令尹繼善親往查勘妥協經理被災窮黎幸免流離失所但現今積水未消麥秋兩收全行失望雖已先行撫卹

一月口糧而循例給賑當以孟冬為期何能嘖嘖以待茲據該督奏請分別極貧次貧再行的借口糧以資接濟等語著加恩將此所借口糧即作加賑之項將來不必徵還其坍塌房屋併即查明給以修費俾災民有所棲止剝脫同瘼一體之至意該部即遵諭行

十六日奉

上諭直隸之魏縣元城大名等處猝被水災業經降旨加恩賑卹但念被水各處商販難通糧價漸昂其所奉賑銀若照每穀一石折銀五錢之例支給未免不敷買食著加恩將魏縣大名元城清河凡有應賑之區每穀一石加銀一錢折給銀六錢

至動撥倉穀減糶若僅照市直畧為減價則閭閻未必受平糶之益若照現在驟長市價每石減銀三錢俟城鄉道路通行米糧充裕即行停止以節倉儲該部即遵諭行

十六日奉

上諭鶴年奏報東平等州縣續被水災一摺東省館陶等州縣衛粹被水成災業經屢降諭旨加恩撫卹俾無失所其續報泰安府屬之東平州東阿沂州府屬之蘭山邾城等州縣即著該撫鶴年遵照前旨一體查辦並各賞給急賑銀兩以資接濟俱不得拘泥成例俟十月後方行給賑該部遵諭速行

十七日奉

上諭據新桂奏福建之龍巖南靖等二州縣於六月中梓遇水發冲壞房屋並有淹斃人口之處等語山邑驟遇暴漲致損廬舍並傷人口殊堪軫惻該署督現已委員查明被災貧戶照例賑卹著加恩先行賞給急賑一月口糧毋致失所其坍塌民房不必拘泥向例分別有力無力著即行給銀蓋以免露處至冲壓田畝並著迅為批復補種晚禾以資民食應借給籽種口糧著即行借給該署督等務飭屬審心經理以副朕軫念災黎至意

二十八日奉

上諭東省濟寧金鄉魚臺鄒嶧滕縣等被水州縣

近因漳水漫淹已涸已種地畝復被淹浸業降旨
先行急賑一月其未經涸出至今尚淹者本未種
植向例非禾苗被淹不得報災但此等災地兩年
顆粒無收待哺嗷嗷情尤可憫著加著照已種復
淹地畝一體賑卹以蘇民困再該處需食饑民甚
衆穀價未免稍昂若照每石折給銀五錢之例恐
不敷買食著再加恩每石增給銀一錢俾市糴寬
裕不至拮据至濟寧衛及滋陽汶上河澤陽穀等
縣續經被水之處亦著該撫查明照例賑卹務使
災黎得需實惠用副朕惻隱一體至意

九月初五日奉

上諭今歲上下雨江淮揚徐海鳳潁泗等各屬秋

禾被水成災現經照例先行撫卹一月口糧銀米兼賑其折賑定例每米一石折銀一兩但念該處積歉之後糧價未免稍昂若照例折給恐貧民不敷買食著加恩將各屬應給正賑折價每石增給銀二錢俾得謀食寬裕以示格外軫卹至意

十一月初五日奉

上諭甘肅提鎮標營每年應支兵米向例止給四月本色其餘月分俱給折色年來西路用兵兼之口外地方今歲偶被風災商販之出口者多內地米價未免稍昂所支折色不敷買食兵丁生計未免拮据著加恩將甘提涼肅二鎮所屬標營無論馬步兵丁每兵賞借小麥一石六斗於本年十一

月起分作四月按月支領以濟口食各照本營額定折色之例自來年春季起分作四季扣還其安提各營兵丁前因災歉業經賞給一月口糧但安西地處口外兵丁之差使較繁亦著一體借支連前所借一月口糧一併分季扣繳以示體卹遵兵之意該部即遵諭行

十二月二十六日奉

上諭甘涼肅安一帶各標營官兵因本年末稍稍昂曾經加恩每兵賞借四個月口糧以資接濟其陝省延綏一鎮地屬邊徼差務絡繹本年秋收通值歉薄各營口食未免拮据來歲青黃不接為時正長朕心深為軫念著照甘涼肅安之例無論馬

步守兵每名賞借四個月口糧一石六斗自十二月起按月不參兼支俟來年照各本營折色四季扣還歸款以示體卹邊兵至意該部遵諭速行

乾隆二十三年正月初二日奉

上諭去歲豫省衛輝等府被災地方屢降恩旨將應徵錢糧額免並於普賑一月之外疊予加賑四次計費帑金三百餘萬自去歲十月起可至今歲二月矣但自仲春以至參秋為時尚遠賑畢之後二麥未及登場譬如赤子出慈母之懷未能強飯遽斷其乳其何以堪朕心深用惻然著加恩將被災十分之極次貧民暨被災九分之極貧民再行加賑一月俾得接至麥收用示體卹至意該部即

遵諭行

御製新正二日降旨加賑豫省去歲被災各州縣

新以紀事

庚寅

中州歷歲歉向隅屯膏其故緣諱飾察知謹責司
牧者賑賑乃不遺餘力帑金三百萬帑借庶使閭
閻免困適諄諄更戒彼大吏毋俾役蠹俾遍得勤
加咨詢往來人盡道窮簷稍起色更幸三白露宿
麥聞之畧為舒反側夏熟尚早詎置懷助陽奉時
宣布德譬之赤子繞離懷未能強飯可奪食已加
毋寧再三加於民豈可言從奇免溝壑共力春耕
而顧猶然為惕息

初三日奉

上諭上年豫省被水疊經降旨蠲賑昨復於加賑四次之後更予加賑一月小民得此接濟可至冬收矣其該省駐防八旗官兵額支兵米向例俱給折色現在糧價稍昂若照定例發米每石一兩五錢束米每石一兩二錢支給恐不敷買食著加恩於本年二月起將應支米石給與半年本色以裕兵食用示體卹旗兵至意該部卽遵諭行

初四日奉

上諭上年兩江災地業經截漕蠲緩賑借糶施恩膏疊沛矣但賑竣後距麥收之期尚遠貧民難以支持朕心深為惻然著將下江被災最重之清河桃源銅山沛縣邳州宿遷睢寧海州沐陽等九州

縣極貧各加賑三個月次貧各加賑兩個月其次
重之豐縣蕭縣贛榆及山陽安東高郵興化寶應
碭山九州縣並上江之宿州靈璧虹縣鳳臺懷遠
鳳陽太和泗州盱眙五河等十州縣極貧各加賑
兩個月次貧各加賑一個月又下江被災較輕之
甘泉阜寧二縣上江之壽州阜陽潁上亳州蒙城
等五州縣無論極次各加賑一個月所需賑糧酌
倉儲多寡銀米兼放折賑銀兩仍照加增之數折
給該督撫務督率屬員審心妥辦使災民均霑實
惠以副朕軫念黎元至意

初六日奏

上諭上年直隸大名府屬之大名魏縣元城南樂

清豐廣平府屬之清河威縣河間府屬之景州故
城交河吳橋被水各州縣業經降旨撫卹賑借兼
施災黎自可得所惟是例賑應至正二月為止貧
民仍不免拮据若加恩將大名等各州縣內九十
分之極次貧民再各加賑一個月以示軫恤該部
即遵諭行

二月初七日奉

上諭陝省榆林府屬之葭州榆林懷遠神木府谷
延安府屬之靖邊定邊鄜州屬之宜良等八州縣
上年秋禾被災業經降旨蠲賑但現在例賑已經
告竣而麥秋之期尚遠災民未免謀食維艱尚需
接濟著加恩將該八州縣內被災八分之極貧與

九分之極次貧民再行加賑兩月仍每石折給銀一兩二錢以資買食用示優卹至意該部即遵諭行

三月二十五日奉

上諭上年山西交城等四十八州縣秋收歉薄已降旨將民欠常平倉穀及借出社倉義倉穀分別緩徵矣但其中有太原府屬之奇嵐州嵐縣保德州及所屬之河曲縣四處僻在邊隅商販罕至又因連歲災歉民間已鮮蓋藏官倉貯積亦屬有限難借未免不敷當此青黃不接之際小民生計維艱殊堪厪念著加恩再酌給兩月口糧按照定價折給銀兩並將折舊地丁錢糧一概緩徵使窮黎

度日不至拮据至大同府屬之大同渾源山陰陽
高天鎮朔平府屬之左雲右土朔州平魯九州縣
皆係地連邊境承辦軍需連歲秋收亦俱歉薄著
一體加恩將新舊錢糧寬至今年秋成後徵收以
紓民力該地方官實心經理善為撫綏副朕加惠
窮黎至意該部卽遵諭行

八月二十三日奉

上諭黃廷桂奏甘省河東河西州縣內有兩澤愆
期不及補種秋禾之處目前卽應照例銀糧兼賑
但該處現在糧價頗昂若照部價每石一兩折給
不敷買食請於部價之外河東每石加銀二錢河
西每石加銀三錢等語該省連歲辦理軍需繼以

雨澤愆期不及播種糧價自下免昂貴卽照該督
所請加增之數折給恐尚下敷著加恩於卹卹外
河東每石加銀三錢河西每石加銀四錢俾民間
買食寬裕以示格外軫卹至意

平惠金書卷三十三